

瘧

內經曰夏傷于暑、秋必瘧、

遡廻集曰夏傷于暑、偶不卽發、伏藏于經絡、
至秋乃作寒熱、

三錫曰瘧瘧素問謂生于風而今每多見于夏
末秋初大抵暑濕傷脾而邪留于胃鬱而成痰
所致且發有早晏受病有陰陽邪在氣則發于
陽邪在血則發于陰故曰虛實不同邪中異所
邪中于頭項者氣至頭項而病中于背者氣至

背而病中于腰脊者氣至腰脊而病中于手足者氣至于手足而病邪氣之所在與胃氣合則病作其間日發者由邪氣內搏于五臟橫連于募原

靈樞經曰募原五臟空穴之總名也在背爲陽則謂之募在腹爲陰則謂之原其道遠其氣深不得與衛氣相搏故間日發也大抵邪氣與正氣相遇則搏而成寒熱今人痰與宿食結于胃中適與衛氣相遇則發次日邪熱

得汗氣衰故暫止邪熱復熾故復發必宿滯
去結痰開正氣旺乃痊理可見矣方書多未
辨余于素問靈樞中推詳而得之再候考訂
三錫曰上古重在外感故以夏傷于暑熱氣盛
藏于皮膚之內腸胃之外令人汗空疎腠理開
因得秋氣汗出遇風反得之浴水氣舍于皮膚
之內與衛氣并則病作今人多內傷夏月不謹
瓜果油麪鬱積成痰故曰無痰不成瘧

嚴氏曰瘧之爲病有所謂痺瘧寒瘧濕瘧食瘧

牝瘧、牡瘧名雖不同，皆由外感邪氣與衛氣相搏而後成之。然四時所感鬱積七情饑飽失節，致令脾胃不和，痰留中脘，皆成瘧疾。其初發也，久伸畏寒，戰慄頭疼，或先寒後熱，或先熱後寒，或寒多熱少，或熱多寒少。一日一發者，易治；二三日一發者，難治。其病皆由邪正交爭，陰陽二氣更相勝負，邪正相搏而作焉。衛氣與邪氣離，故汗而解；衛氣晝行陽，夜行陰，得陽而外出，故發于日間；得陰而內搏，故發于暮夜。若邪氣內

薄于五臟橫速于募原其道遠不能與衛交併
故隔日發之又有三四日一發者衛氣行遲行
速病作有早有晏甚者內外夫守真邪不分則
休作無有定時也丹溪曰痰癰皆生于風痰癰
者老癰也以其隔二日一發纏綿不已夫三日
一發者邪入于三陰經也作于子午卯酉日者
少陰癰也作于寅申巳亥日者厥陰癰也作于
辰戌丑未日者太陰癰也若發于午之後寅之
前者血受病也爲難愈須漸趨早乃佳兆也治

斯疾者、春夏爲易、秋冬爲難、大忌飽食遇發日、

食飽、病愈加重、尤當以汗之、難易較輕重也、

瘧脈多弦、弦數多熱、弦緩多虛、弦而小緊者宜

下、弦緩宜補、浮大宜吐、

素問曰、其但熱而不寒者曰痺、瘧因肺素有熱、

腠理開、風寒舍于皮膚之內、分肉之間、發則陽

氣盛、其氣不及于陰、故不惡寒、但熱、又曰、邪在

陽則熱、而脈躁、在陰則寒、而脈靜、極則陰陽俱

衰、衛氣相離、故病得休、衛氣集則復病也、

今殊不爾。但內素有火症。又挾飲食與痰。則多熱不寒。心下飽脹。消導淨則愈。

帝曰。時有間二日。或至數日。發或渴或不渴。其故何也。岐伯曰。其間日者。邪氣客于六府與衛氣有時相失。不能相得。故休數日乃得也。瘧者陰陽更盛也。或甚或不甚。故或渴或不渴。

意謂

陽氣

盛則渴。陰氣盛則不渴。食多則渴。

以秋病者寒甚。以冬病者寒不甚。以春病者惡風。以夏病者多汗。

五臟皆有癰其治各別在太陽經者謂之風癰
治多汗之陽明者謂之熱癰治多下之在少陽
經者謂風熱癰治多和之皆三陽受病皆謂暴
癰也發在夏至後處暑前者乃傷之淺者近而
暴也在陰經則不分三經皆謂之溫癰其發處
著後冬至前者乃傷之重者遠而深也痰癰者
老癰也故名久癰

丹溪曰一日一發受病一年間日一發者受病
一月二日一發住一日者氣血俱受病

瘧之寒、湯火不能熱也、及其熱、冰水不能寒也、

○方其盛時必毀

謂避其銳也

○因其衰也事必大昌

謂擊其墮歸也

足太陽之瘧令人腰痛頭重寒從背起先寒後

熱熇_上喝_上然熱止汗出難已○足少陽之瘧

令人身體解使寒不甚熱不甚惡見人心惕惕

然熱汗出甚○足陽明之瘧令人先寒洒洒淅

淅寒甚乃熱熱去汗出喜見日光火氣乃快然

○足太陰之瘧令人不樂好太息不嗜食多寒

熱汗出、病至則善嘔、嘔已乃衰。○足少陰之瘧、
令人嘔吐甚、熱多寒少、欲閉戶牖而處、其病難
已。○足厥陰之瘧、令人腰痛、少腹滿、小便不利
如癰狀、數便噫、恐懼、氣不足、腹中悵。○肺瘧、
令人心寒、寒甚、熱熱、間善驚、如有所見者。○心
瘧者、令人煩心、甚欲得清水、反寒多、不甚熱。○
肝瘧者、令人色蒼蒼然、太息、其狀若死者。○脾
瘧者、令人寒、腹中痛、熱則腸中鳴、已汗出。○
腎瘧者、令人洒洒然、腰脊痛、宛轉、大便難、目眴

踰然手足寒。○胃癰者令人且病善饑而不能
食食而支滿腹大。

痢疾

三錫曰痢起于積滯世所共知也然脾胃氣壯
津液流通物安得積氣安得滯所以不幸而有
積滯者皆中氣傷傳化失常而然正古人所謂
壯者氣行則已怯者着而成病是也又曰邪之
所湊其氣必虛留而不去其病則實粗工但知
攻邪不理元氣暗損天年人不知也初起必推

蕩稍久卽理脾胃、年高產乳素弱人、必補養爲
君、兼以蕩滌、徐徐圖治、乃可、近考薛氏醫案得
其說、遵而用之、多所全活、詳具治法下

內經曰、澀澀而便膿血、知氣行而血止也、

氣欲行而

血止其行故便膿血

難經曰、大瘕泄者、裏急後重、數至圜

而不能便、○戴氏曰、痢生于積滯、

積物積也積滯氣滯也

物欲下、而氣滯不能與之下、所以下迫窘痛、日

夜凡百度、治先通利之、卽素間通因通用也、○

河間曰、行血則便膿自愈、和氣

後則

重自除、今之

患痢者古名滯下病謂邪氣滯于下焦而病是
也得病之由多因脾胃不和飲食過度七情鬱
結停積于腸胃之間不得克化而又爲風寒暑
濕之氣干之乃成此疾雖有赤白之分終無寒
熱之異悉屬濕熱赤者屬血自小腸而來白者
屬氣自大腸而來原病式曰痢爲濕熱甚于腸
胃之間拂鬱而成其病皆熱症也俗以白爲寒
赤爲熱如熱生瘡癰而出白膿豈可以白爲寒
乎陰陽水火一高則一下一盛則一衰若以白

爲寒、赤爲熱、則兼赤白者、豈寒熱俱甚于腸胃之間而爲痢乎、况下迫窘痛、小便赤澁、而痢白者、必多有之、爲熱明白矣。○丹溪曰、先水瀉而後膿血者、脾傳腎、賊邪難愈、先膿血後水瀉者、腎傳脾、微邪易愈。

新積者、舊積去後、而氣血復鬱、所生者也、舊積當先下之、新積則不宜下、其故何哉、蓋腸胃之腐熟水穀、轉輸糟粕者、皆榮衛洒陳六府之功、今腸胃有邪、則榮衛運後至此、其機爲之阻、不

能施化故衛氣鬱而不舒榮血泣而不行於是
飲食結痰停于胃糟粕留于腸與所鬱氣泣血
之積相挾成滯下病矣如是者必當下之以通
壅塞利榮衛之滯至于升降仍不行衛氣復鬱
榮血復泣又成新積故病如初若是者不必求
邪以治但理衛氣以開通腠理和榮血以調陰
陽陰陽調腠理開則升降之道行其積不治而
自消矣然而舊積亦有不可下者先因榮衛之
虛不能轉輸其食積必當先補榮衛資腸胃俟

真氣充溢、然後下之、庶無失矣、予數見俗方、惟
守十數方、治利不過攻之、瀉之而已矣、安知攻
病之藥、皆是耗氣損血之劑、用之不已、其至于
氣散血亡、五臟空虛、精憊神去而死、其固瀉之
又皆足以增其氣鬱血泣之病、轉生腹脹、下爲
足腫、上爲喘呼、諸疾作焉、世人之法、何足守乎、

積聚、痞、癥、瘕

三錫曰、積者、跡也、腹中有形不移者是、聚者、或
濁氣叢聚、或上或下聚散不常是也、痞、癥者、玄

絕隱辟或隱或現莫能以例是也腹中有形可證謂之癥、賸物而成謂之瘕、皆濁氣痰血凝聚而成、但有微甚部位之分爾

內經曰、積聚、畱飲、痞隔、中滿、霍亂吐下、癥瘕、堅硬、腹滿、皆太陰濕土、乃脾胃之氣、積聚之根也。難經曰、積者、陰氣也、聚者、陽氣也、故陰沉而伏、陽浮而動、氣之所積、名曰積、氣之所聚、名曰聚。故積者、五臟所生、聚者、六腑所成也。夫所謂積者、陰氣也、其始發有常處、其病不離其部、聚者、